



Broj:04-02-4- 609-3/14
Sarajevo, 27.06.2014. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 27-06-2014			
Organizaciona jedinica	Klasifikacione oznake	Radni broj	Broj priloga
02-50-6-16-38		14	

PARLAMENTARNA SKUPŠTINA BOSNE I HERCEGOVINE
Dom naroda
Trg BiH 1
SARAJEVO

PREDMET : Odgovor na izaslaničko pitanje

VEZA: Vaš akt broj: 02-50-6-16-38/14 od 06.06.2014. godine

U svezi izaslaničkog pitanja gospodina **Stjepana Krešića**, izaslanika u **Domu naroda Parlamentarne skupštine Bosne i Hercegovine** postavljenog na 38. sjednici Doma naroda Parlamentarne skupštine Bosne i Hercegovine održanoj 06.06.2014. godine, o tome „*hoće li se na narednim izborima osigurati fer i korektni izbori s tim da se na izbornim mjestima osiguraju providne kutije i time spriječi manipulacija izbornim procesom*“, sukladno članku 155. stavak (3) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 33/06, 41/06, 91/06, 91/07 i 32/12), dajemo slijedeći:

ODGOVOR

Nakon održanih Općih izbora u Bosni i Hercegovini 2010. godine, Ured za demokracijske institucije i ljudska prava pri Organizaciji za europsku sigurnost i suradnju (OSCE/ODIHR) koji je vršio monitoring izbornog procesa u BiH, je u preporukama između ostalog, istakao da bi Središnje izborno povjerenstvo BiH trebalo razmotriti korišćenje prozirnih glasačkih kutija kako bi se povećala transparentnost izbornog procesa.

Kako bi se ispoštovale navedene preporuke, u zahtjevu za proračunskim sredstvima Središnjega izbornog povjerenstva BiH za 2014. godinu (u kojoj je planirano održavanje Općih izbora u BiH), u proračunskoj stavci Izdaci za materijal bila je uključena i planirana nabava glasačkih kutija od pleksiglasa u vrijednosti približno 950.000,00 KM. Navedeni zahtjev za proračunskim sredstvima je, u zakonom predviđenom roku, dostavljen Ministarstvu financija i trezora BiH.

U cilju dobijanja potpore za navedeni zahtjev i uvrštavanje istog u nacrt proračuna, Središnje izborno povjerenstvo BiH je dostavilo informaciju i održalo sastanke sa povjerenstvima za financije i proračun Zastupničkog doma i Doma naroda Parlamentarne skupštine Bosne i Hercegovine tijekom kojih ih je informiralo da Središnje izborno povjerenstvo BiH već dugi niz godina koristi metalne glasačke kutije, koje su voluminozne i nepraktične za transport. U informaciji je navedeno da sukladno suvremenim standardima u izbornom procesu, transparentne glasačke kutije predstavljaju jedan od najvažnijih instrumenata za provedbu fer i demokratskih izbora. Transparentne glasačke kutije povećavaju povjerenje birača, kandidata i promatrača, kao i medija u ispravnu provedbu izbornih pravila i propisa na dan izbora.

Obzirom da Vijeće ministara BiH nije u potpunosti prihvatilo proračunski zahtjev Središnjega izbornog povjerenstva BiH za 2014. godinu sa dodatnim proračunskim sredstvima za nabavu glasačkih kutija od pleksiglasa, Središnje izborno povjerenstvo BiH je, u cilju dobijanja potpore za navedenu proračunsku stavku, dostavilo informaciju i održalo sastanke i sa članovima Predsjedništva Bosne i Hercegovine.

Nakon navedenih sastanaka i razgovora, dva člana Predsjedništva Bosne i Hercegovine su predložila amandmane na proračun Središnjega izbornog povjerenstva BiH za dodatnim sredstvima za glasačke kutije od pleksiglasa, u cilju usvajanja zahtjeva Središnjega izbornog povjerenstva BiH, međutim Parlamentarna skupština Bosne i Hercegovine je usvojila proračuna Središnjega izbornog povjerenstva BiH bez amandmana.

Središnje izborno povjerenstvo BiH sa žaljenjem konstatira da na Općim izborima 2014. godine na biračkim mjestima neće biti providne kutije, ali će u okviru svojih mjerodavnosti, poduzeti sve radnje kako bi se spriječile manipulacije izbornim procesom.

S poštovanjem,

Dostavljeno:

1. Naslovu
2. a/a



Predsjednik

Stjepan Mikić



Broj: 05-07-26-5939/14
Sarajevo 17.7.2014. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	30.07.2014		
Organizaciona jedinica	Klasifikaciona oznaka	Kodni broj	Broj prijave
02-50-6	-16	-38	/14

PARLAMENTARNA SKUPŠTINA BOSNE I HERCEGOVINE
- DOM NARODA-
n/r Borjana Krišto, izaslanica

Borjana Krišto, izaslanica Doma naroda Parlamentarne skupštine Bosne i Hercegovine, na 38. sjednici održanoj 6.6.2014. godine postavila je izaslaničko pitanje putem Ministarstva pravde BiH svim nadležnim tužiteljstvima, agencijama za provedbu istraga i sigurnosnim agencijama, koje glasi:

„Šta su učinili i šta čine na rasvjetljavanju slučajeva teških ubistava od prije nekoliko godina, kao što su slučajevi generala Šantića, ministra MUP-a Jozе Leutara i drugih uključujući i nedavno ubistvo uglednog gospodarstvenika Jozе Kafadara koje je iznova unijelo nemir i strah kod građana i stvorilo nepovjerenje u institucije u BiH?“

Na temelju informacija pribavljenih od Federalnog tužiteljstva Bosne i Hercegovine, Federalnog ministarstva unutrašnjih poslova i Državne agencije za istrage i zaštitu, Ministarstvo pravde Bosne i Hercegovine daje sljedeći

ODGOVOR

U svezi ubojstva generala Vlade Šantića Federalno tužiteljstvo Bosne i Hercegovine ističe da je: Kantonalno tužiteljstvo Unskosanskog kantona je (po prijemu kaznene prijave od Okružnog vojnog tužiteljstva u Bihaću) provelo istragu protiv tri osobe i dana 14.6.2000. godine protiv sve tri osobe podiglo optužnicu zbog kaznenog djela *Ubojstvo* iz članka 171. stavak 1. točka 2. KZ FBiH. Kantonalni sud u Bihaću je postupajući po prigovorima na podignutu optužnicu dana 25.7.2000. godine donio rješenje kojim je predloženo proširenje-dopuna istrage radi dodatnog rasvjetljavanja događaja i utvrđivanja odlučnih činjenica. Kantonalno tužiteljstvo je „radilo“ na predmetu do 20.2.2007. godine, kada je isti dostavljen Tužiteljstvu BiH na ocjenu stjecanja obilježja nekog od kaznenih djela ratnih zločina. Tužiteljstvo BiH je ocijenilo da se radi o kaznenom djelu *Ubojstvo*, te je predmet u veljači mjesecu 2013. godine vraćen na nadležno postupanje Kantonalnom tužiteljstvu Unskosanskog kantona koje pod zaštićenim brojem provodi istragu. Postupajući tužitelj je u suradnji sa ovlaštenim policijskim agencijama poduzeo preko 200 istražnih i posebnih istražnih radnji u cilju rasvjetljavanja ovog događaja, što je rezultiralo proširenjem istrage na sedam osoba, te se nastavlja daljnji rad na ovom predmetu.

U svezi navedenog ubojstva generala Šantića Federalno ministarstvo unutrašnjih poslova navodi da je: Federalna uprava policije dana 21.1.2014. godine Kantonalnom tužiteljstvu Unskosanskog kantona podnijela Izvještaj o počinjenom kaznenom djelu i izvršiocima, protiv sedam osoba.

Također, Državna agencija za istrage i zaštitu je u suradnji sa Tužiteljstvom BiH postupala u „predmetu generala Šantića“, te Izvještaj o poduzetim mjerama i radnjama sa svim prikupljenim dokazima dostavila Tužiteljstvu BiH, nakon čega je, zbog nepostojanja dokaza o

kaznenom djelu ratnog zločina, predmet ustupljen Kantonalnom tužiteljstvu Unskosanskog kantona.

U svezi ubojstva doministra MUP-a FBiH Joze Leutara, Federalno tužiteljstvo Bosne i Hercegovine ističe da je: Kantonalno tužiteljstvo Sarajevo dana 6.4.2000. godine od MUP-a Kantona Sarajevo zaprimilo kaznenu prijavu protiv sedam osoba (Ivan Andabak, Dominik Ilijašević, Zoran Bašić, Željko Ćosić, Mario Miličević, Jadranko Lučić i Jadranko Bajkuša zbog kaznenog djela *Terorizam*, iz članka 146. stavak 3. u svezi stavka 1. u svezi članka 23. KZ FBiH. Nakon provedene istrage, u odnosu na Jadranko Lučića, istraga je obustavljena 6. 4.2000. godine, a protiv ostalih osumnjičenih dana 9.3.2001. godine podignuta je optužnica. Kantonalni sud Sarajevo donio je oslobadajuću presudu 12.11.2001. godine, na koju je Kantonalno tužiteljstvo Sarajevo uložilo žalbu, ali je ista odlukom Vrhovnog suda FBiH odbijena kao neosnovana i potvrđena prvostupanjska presuda. Po zaključku glavnog tužitelja Tužiteljstva BiH i glavne kantonalne tužiteljice Kantonalnog tužiteljstva Sarajevo, polovinom 2011. godine kompletni spisi su dostavljeni Tužiteljstvu BiH.

U svezi navedenog ubojstva doministra MUP-a FBiH Joze Leutara Federalno ministarstvo unutrašnjih poslova navodi da istražne radnje provodi Tužiteljstvo BiH pod oznakom „povjerljivo“ i da se sva raspoloživa saznanja u svezi sa predmetom koja prikuplja Federalna uprava policije dostavljaju pod oznakom tajnosti postupajućem tužitelju. Državna agencija za istrage i zaštitu nije postupala u svezi rasvjetljavanja ubojstva doministra MUP-a FBiH Joze Leutara.

U svezi ubojstva gospodarstvenika Joze Kafadara, Federalno tužiteljstvo Bosne i Hercegovine ističe da je: dežurni tužitelj Kantonalnog tužiteljstva ZDK u Zenici po saznanju da je izvršeno kazneno djelo sa ovlaštenim službenim osobama MUP-a ZDK i MUP-a FBiH izvršio uvidaj, te da se provode istražne radnje u cilju otkrivanja počinitelja (saslušano je više desetina osoba, provedeno više vještačenja), te se istražne radnje nastavljaju.

U svezi navedenog ubojstva Joze Kafadara Federalno ministarstvo unutrašnjih poslova navodi da je Federalna uprava policije i MUP Zeničko-dobojskog i Srednjobosanskog kantona formirala mješoviti tim kojim rukovode službenici Federalne uprave policije. Preduzeto je više radnji s ciljem otkrivanja izvršitelja ovog djela, a istražne radnje provode se uz stalni nadzor postupajućeg tužitelja. Tijekom istrage pronađena je i oduzeta veća količina vatrenog oružja, te su dvije osobe lišene slobode uz određivanje mjere pritvora. Policijski službenici nastavljaju rad s ciljem identificiranja izvršitelja ovog djela.

Državna agencija za istrage i zaštitu nije postupala u svezi rasvjetljavanja ubojstva gospodarstvenika Joze Kafadara, jer se radi o kaznenom djelu koje je inkriminirano entitetskim kaznenim zakonima.

Radi kompletiranja odgovora na izaslaničko pitanje Ministarstvo pravde Bosne i Hercegovine i od Tužiteljstva BiH zatražilo je eventualna postupanja u rasvjetljavanju počinjenih kaznenih djela, ali i nakon naše urgencije informacija nije dostavljena.

S poštovanjem,

Privitak: informacije-
Federalnog tužiteljstva BiH;
FMUP;
Državne agencije za istrage i zaštitu.





Broj: 16-02/7-04-1-3404- 2/14
Datum: 27.06.2014. godine

BOSNA I HERCEGOVINA
MINISTARSTVO PRAVDE
Trg BiH br.1
SARAJEVO
n/r Ministra, Bariša Čolak

HITNO

Stamp: BOSNA I HERCEGOVINA
MINISTARSTVO PRAVDE
SARAJEVO
Stamp: 02-07-2014
Stamp: 05-02-1-1075/14

PREDMET: Odgovor na izaslaničko pitanje, dostavlja se.-

Veza: Vaš akt broj: 05-02-1-1075/14 od 16.06.2014. godine.

Poštovani,

Shodno Vašem zahtjevu broj i datum veze, a koji se odnosi na postavljeno izaslaničko pitanje, izaslanice Doma naroda Parlamentarne skupštine Bosne i Hercegovine, gospođe Borjane Krišto, koje je putem Vašeg ministarstva postavljeno na 38. sjednici održanoj dana 06.06.2014. godine, koristimo priliku da Vas obavijestimo o sljedećem:

-Državna gencija za istrage i zaštitu je tokom prethodnog perioda postupala u predmetu generala Vlade Šantića gdje je nakon svih izvršenih operativnih mjera i radnji podnijela Tužilaštvu BiH, Izvještaj o preduzetim mjerama i radnja sa svim prikupljenim dokazima. Tokom 2013. godine, Tužilaštvo BiH je predmet ustupilo Kantonalnom tužilaštvu Unskosanskog kantona u Bihaću na dalje postupanje iz razloga što se po procjeni Tužilaštva BiH ne radi o krivičnom djelu ratnog zločina. Prema našim saznanjima određene operativne mjere i radnje po ovom predmetu poduzimaju se od strane MUP-a Federacije BiH i MUP-a Unskosanskog kantona Bihać.

-Istragu terorističkog napada koji je izvršen dana 16.03.1999. godine u Sarajevu, od čijih posljedica je preminuo tadašnji doministar MUP-a FBiH, gospodin Jozo Leutar, proveli su nadležni entitetski pravosudni i policijski organi, jer u to vrijeme Državna agencija za istrage i zaštitu nije bila formirana. Ova Agencija tokom prethodnog perioda nije zvanično informisana da je predmet u dalji rad preuzelo Tužilaštva BiH. Iz naprijed navedenih razloga Državna agencija za istrage i zaštitu, do sada nije bila uključena u rad na predmetnom slučaju.

-Državna agencija za istrage i zaštitu ne postupa po predmetu ubistva, gospodina Joze Kafadara iz Viteza, koje je počinjeno dana 27.05.2014. godine u mjestu Šušanj-Radonica, općina, Zenica, jer se radi o krivičnom djelu koje je inkriminisano entiteskim krivičnim zakonom.

S posebnim poštovanjem,

DIREKTOR
Glavni generalni inspektor

Goran Zubac

Bosna i Hercegovina
FEDERALNO TUŽILAŠTVO
FEDERACIJE BOSNE I HERCEGOVINE
SARAJEVO
Broj: A- 443/14
Sarajevo, 07.07.2014. godine
AT

05
09.07.14.
F. R. Anan
[Signature]

07-07-2014

05-02-1-1075/14

BOSNA I HERCEGOVINA
MINISTARSTVO PRAVDE

n/r Ministra Bariše Čolak

Predmet: *Odgovor na poslaničko pitanje*

Poštovani,

Dana 23.06.2014. godine Federalno tužilaštvo FBiH primilo je dopis broj:05-02-1-1075/14 od 16.06.2014.godine povodom poslaničkog pitanja Borjane Krišto poslanice Doma naroda Parlamentarne skupštine BiH, sa sjednice održane dana 06.06.2014. godine.

Pomenuto poslaničko pitanje je glasilo:

„Šta su učinili i šta čine na rasvjetljavanju slučajeva teških ubistava od prije nekoliko godina, kao što su slučajevi generala Šantića, doministra MUP-a Jozе Leutara i drugih, uključujući i nedavno ubistvo uglednog gospodarstvenika Jozе Kafadara, koje je iznova unijelo nemir i strah kod građana i stvorilo nepovjerenje u institucije BiH?“

Po pribavljanju potrebnih podataka, od stvarno i mjesno nadležnih kantonalnih tužilaštava u FBiH, obaviještavamo Vas slijedeće:

- Ubistvo generala Vlade Šantić, prema podacima Kantonalnog tužilaštva USK u Bihaću broj: A- 665/14 od 04. i 07. jula 2014. godine, u daljem tekstu KT USK:*

Okružno vojno tužilaštvo u Bihaću u 1996.godini ustupilo je na nadležni postupak KT USK krivičnu prijavu protiv tri lica - T.J., B.R. i R.R. zbog sumnje da su počinili krivično djelo Ubistvo iz člana 36. stav 2. KZ SRBiH. Nakon provedene istrage, KT USK dana 14.06.2000. godine pod brojem: KT-312/96 podiglo je optužnicu protiv sva tri lica zbog krivičnog djela Ubistvo iz člana 171. stav 1. tačke 2. ranije važećeg KZ FBiH.

Dana 25.07.2000.godine Kantonalni sud u Bihaću, razmatranjem prigovora na optužnicu optuženih po braniocima, donio je Rješenje broj: KV-72/00 kojim se, zbog nepostojanja osnovane sumnje da su okrivljeni počinili krivično djelo koje im se stavlja na teret, optužnica broj:KT-312/96 od 14.06.2000. godine vraća KT USK, sa prijedlogom da se predmet vrati u istragu radi potpunijeg rasvjetljavanja događaja, utvrđivanja svih odlučnih činjenica potrebnih za postojanje osnovane sumnje da su osumnjičeni počinili navedeno krivično djelo, po kojem rješenju je postupljeno prijedlogom istražnom sudiji Kantonalnog suda u Bihaću za proširenje - dopunu istrage.

Na predmetu je rađeno do 20.02.2007.godine kada je, pod navedenim brojem, dostavljen Tužilaštvu BiH na ocjenu sticanje obilježja nekog od krivičnih djela ratnih zločina iz nadležnosti tog tužilaštva.

Tužilaštvo BiH je u februaru 2013. godine predmet dostavilo Federalnom tužilaštvu FBiH, uz ocjenu da u radnjama počinitelaca nema obilježja nekog od krivičnih djela ratnih zločina već da se radi o krivičnom djelu ubistva iz nadležnosti kantonalnog tužilaštva.

Dana 05.02.2013.godine Federalno tužilaštvo FBiH dostavilo je predmet KT USK koje je odmah, pod zaštićenim brojem, donijelo Naredbu o provođenju istrage protiv tri lica zbog krivičnog djela Ubistvo iz člana 166. stav 2. u vezi stava 1. KZ F BiH.

Od marta mjeseca 2013. godine postupajući kantonalni tužilac KT USK u saradnji sa timom OSL-a MUP-a FBiH -FUP-e Sarajevo do sada je preduzeo preko 200 istražnih i posebnih istražnih radnji u cilju rasvjetljavanja ovog krivičnog djela.

Navedene aktivnosti rezultirale su činjenicom da je MUP-a FBiH FUP-e Sarajevo krajem 2013.godine KT USK dostavilo prošireni izvještaj o otkrivanju izvršilaca krivičnog djela, po kojem Izvještaju je KT USK donijelo Naredbu o proširenju istrage protiv 7 lica, zbog osnova sumnje da su počinila krivično djelo Ubistva iz člana 36. stav 2. tačka 1. ranije važećeg KZ SRBiH.

Nadležno kantonalno tužilaštvo i dalje preduzima intenzivne radnje u radu na ovom predmetu, razumjevajući, uz interes građana i javnosti, i interes članova porodice Šantić koje o preduzetim aktivnosti detaljno obavještava putem punomoćnika Odvjetničkog ureda advokata Josipa Muselimovića iz Mostara, posljednja informacija Uredu dostavljena dana 23.04.2014. godine;

• Ubistvo zamjenika ministra MUP FBiH Joze Leutar, prema podacima Kantonalnog tužilaštva Kantona Sarajevo broj: A-768 /14 od 30.06. i 07.07.2014. godine, u daljem tekstu KT KS:

Dana 06.04.2000. godine MUP-a Kantona Sarajevo dostavilo je KT KS krivičnu prijavu broj: KU-2/99 protiv sedam lica i to: Ivana Andabak, Dominka Ilijašević, Zorana Bašić, Željka Čosić, Maria Miličević, Jadranka Lučić i Jedinka Bajkuša, zbog krivičnog djela Terorizam iz člana 146. stav 3. u vezi stava 1. u vezi sa članom 23. ranije važećeg KZ FBiH.

U odnosu na Jadranka Lučić, nakon provedene istrage po zahtjevu od 06.04.2000.godine, zbog navedenog krivičnog djela dana 09.11.2000. godine istraga je obustavljena.

U odnosu na ostala navedene lica preduzete su sljedeće radnje:

Dana 06.04.2000.godine podnesen je zahtjev za provođenje istrage za navedeno krivično djelo;

Dana 09.03.2001. godine podignuta je optužnica za navedeno krivično djelo;

Dana 12.11.2002. godine Kantonalni sud u Sarajevo donio je oslobađajuću presudu br:K-28/11 za navedeno krivično djelo;

Dana 30.01. 2003. g. KT KS uložilo je žalbu;

Dana 15.01.2004. g. odlukom Vrhovnog suda FBiH broj: Kž-320/03 odbijena je kao neosnovana žalba KT SK i potvrđena prvostepena presuda broj: K-28/11.

Dana 16.09.2011.godine, u cilju realizacije zaključka glavnog tužioca Tužilaštva BiH i glavne kantonalne tužiteljice KT SK, sa sastanka održanog dana 01.06.2011. godine u Tužilaštvu BiH, radi razmatranje predmeta, Tužilaštvu BiH dostavljeni su kompletni spisi predmeta KT KS broj: KT-111/00 i KTA- 2022/04, koji se odnose na ubistvo ministra MUP FBiH Joze Leutar.

• Ubistvo poduzetnika Joze Kafadar, izvršeno 27.05.2014.godine u mjestu Šušanj općina Zenica, prema podacima Kantonalnog tužilaštva ZDK u Zenici dostavljenim elektronskom poštom od 04.07.2014.godine, u daljem tekstu KT ZDK:

Odmah po obavjesti da je izvršeno krivično djelo uviđaj na licu mjesta obavio je dežurni tužilac KT ZDK sa OSL-a MUP-a ZDK i MUP-a FBiH FUP-e Sarajevo;

U cilju otkrivanja izvršilaca ovog krivičnog djela svakodnevno se preduzimaju istražne radnje, saslušano je više desetina lica, provedeno više bioloških, mehanoskopskih i balističkih vještačenja, poligrafskih saslušanja, nažalost sa današnjim danom nije otkriven izvršitelj/i ovog krivičnog djela zbog čega se istražne radnje nastavljaju kontinuirano provoditi.

S poštovanjem,



Broj: 01-1935/364
Dana: 27. 6. 2014. godine.

BOSNA I HERCEGOVINA
MINISTARSTVO PRAVDE
n/r ministra

Milica P
BOSNA I HERCEGOVINA
MINISTARSTVO PRAVDE
SARAJEVO
16. 6. 2014
05-02-1-1075/13

05
02.07.14.
G

PREDMET: Odgovor na delegatsko pitanje delegatkinje Doma naroda
Parlamentarne skupštine BiH gđe Borjane Krišto, dostavlja se.-

Veza: Vaš akt, broj: 05-02-1-1075/14 od 16. 6. 2014. godine

Poštovani,

u vezi s Vašim aktom, broj i datum veze, u prilogu Vam dostavljamo odgovor
na delegatsko pitanje koje je na 38. sjednici Doma naroda Parlamentarne skupštine
BiH, održanoj 6. 6. 2014. godine, postavila gđa Borjana Krišto.

S poštovanjem,



Prilog: kao u tekstu

DŽĆ/DŽĆ

FMUP-ODG

Sarajevo, M. Spahe 7, tel.: (00387 33) 590-201 / 280-020, lok.: 3100 / fax: (00387 33) 590-218 / www.fmup.gov.ba



Bosna i Hercegovina
Federacija Bosne i Hercegovine
FEDERALNO MINISTARSTVO UNUTRAŠNJIH POSLOVA
FEDERALNO MINISTARSTVO UNUTARNJIH POSLOVA
SARAJEVO

ODGOVOR NA ZASTUPNIČKO
PITANJE GOSPOĐE BORJANE KRIŠTO DELEGATKINJE DOMA NARODA
PARLAMENTARNE SKUPŠTINE BOSNE I HERCEGOVINE

Na 38. sjednici Doma naroda Parlamentarne skupštine Bosne i Hercegovine, održanoj 6. 6. 2014. godine, delegatkinja gđa Borjana Krišto je postavila pitanje koje glasi:

„Šta su učinili i šta čine na rasvjetljavanju slučajeva teških ubistava od prije nekoliko godina, kao što su slučajevi generala Šantića, doministra MUP-a Jozе Leutara i drugih uključujući i nedavno ubistvo uglednog gospodarstvenika Jozе Kafadara koje je iznova unijelo nemir i strah kod građana i stvorilo nepovjerenje u institucije u BiH.“

Na postavljeno delegatsko pitanje Federalno ministarstvo unutrašnjih poslova daje slijedeći:

ODGOVOR

U predmetu ubistva general bojnika Vlade Šantića, Federalna uprava policije Federalnog ministarstva unutrašnjih poslova je 21. 1. 2014. godine podnijela Izvještaj o počinjenom krivičnom djelu i izvršiocima Kantonalnom tužilaštvu Unsko-sanskog kantona Bihać protiv sedam (7) osoba i to: H.A, D.K, J.T., R.B., R.R., I.A. i E.K. zbog postojanja osnova sumnje da su u noći 8/9. 3. 1995. godine prilikom proslave dana žena u hotelu „Sedra“ u naselju Ostrožac na Uni, općina Cazin, upotrebom fizičke snage nanijeli povrede opasne po život general bojniku HVO-a za regiju Bihać, Šantić Vladi, nakon čega su istog lišili života. Kantonalno tužilaštvo Unsko-sanskog kantona vodi istragu u vezi sa navedenim slučajem.

U predmetu ubistva Jozе Kafadara, koje je uz upotrebu vatrenog oružja od strane NN lica izvršeno 27. 5. 2014. godine, u mjestu Šušanj, općina Zenica, Federalna uprava policije Federalnog ministarstva unutrašnjih poslova je formirala mješoviti istražni tim koji čine policijski službenici Sektora kriminalističke policije Federalne uprave policije Federalnog ministarstva unutrašnjih poslova i ministarstava unutrašnjih poslova Zeničko-dobojskog i Srednjobosanskog kantona, a kojim rukovode policijski službenici Federalne uprave policije Federalnog ministarstva unutrašnjih poslova sa operativnim štabom u Zenici. U sklopu dosadašnje istrage poduzeto je više radnji dokazivanja i kriminalističko taktičkih mjera i radnji s ciljem otkrivanja izvršilaca ovog krivičnog djela, a u istragu su uključeni svi policijski resursi i raspoloživa materijalno-tehnička sredstva, uz stalni nadzor nadležnog tužilaštva. Tokom provođenja istrage pronađena je i oduzeta veća količina vatrenog oružja, municije i eksplozivnih materija, zbog čega su dvije osobe lišene slobode, kojima je određena i mjera pritvora. Policijski službenici Federalne uprave policije Federalnog ministarstva unutrašnjih poslova i dalje uz maksimalne napore nastavljaju rad s ciljem identifikovanja i lišavanja slobode izvršitelja ovog krivičnog djela.

U vezi s krivičnim djelom ubistva doministra Jozе Leutara, obavještavamo Vas da istražne radnje po navedenom provodi Božo Mihajlović, tužilac Tužilaštva BiH i sve aktivnosti se provode pod oznakom „POVJERLJIVO“. Pod istom oznakom, sva raspoloživa saznanja u vezi sa predmetom, a koja su prikupljena od strane službenika Federalne uprave policije Federalnog ministarstva unutrašnjih poslova, dostavljana su postupajućem tužiocu.